



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ  
ԾՆՈՐՀԱՎՈՐԱԿԱՆ ԳԻՐԸ ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ  
ՏՈՆԵՐԻ ԱՌԹԻՎ՝ ՈՒՂՂՎԱԾ ՀԱՅԱՍՏԱՆՅԱՅՑ ԵԿԵՂԵՑՈՒ  
ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ, ԹԵՄԱԿԱԼ ԲՈԼՈՐ  
ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ ՀԱՄԱՅՆՔՆԵՐԻՆ

«Խաղաղութեան ձայն հնչեցաւ»:

Քրիստոնյա աշխարհն ամբողջ և ժողովուրդները բոլոր մի անգամ ևս  
ցնծութեամբ ընդունում են մեծ ավետիսը մեր Փրկչի՝ Քրիստոսի ծննդյան և  
լսում երկնառաք ձայնը խաղաղության:

Խաղաղություն համայն մարդկության, խաղաղություն բոլոր ազգերին՝  
Խաղաղություն հեռավորաց և մերձավորաց:

Սուրբ Ծննդյան տոների սեմին մեր ժողովուրդի բոլոր զավակներին ան-  
խաիր տալիս ենք Մեր հայրապետական օրհնությունը և մաղթում նրանց  
եղբայրության ու համերաշխ գործակցության ոգի, որոնք գրավականներն են  
իրավ խաղաղության՝ անհատական, ընտանեկան թե եկեղեցական-ազգային  
կյանքի մեջ:

Սուրբ Ծննդյան շնորհներով թող Է՛լ ավելի ճառագայթեն ու աճեն սերն  
ու խաղաղ աշխատանքի պտուղները նաև ձեր պատմական Աթոռից ներս, ձեր  
զինվորյալ միաբանության ու հավատացյալ ժողովրդի կյանքում՝ Ձերդ սըր-  
բազնության հոգեշեն առաջնորդության ներքո:

Սուրբգրական Մայր Հայաստանից և քրիստոսապարզ և սուրբ Էջմիած-  
նից ձեզ բոլորիդ ողջույն և օրհնություն և շնորհավոր Նոր տարի և սուրբ  
Ծնունդ և Աստվածահայտություն Տյառն մերո Հիսուսի Քրիստոսի, որ է  
օրհնյալ ալծմ և հավիտյան. ամեն:

Եղբայրական սիրով ու քրիստոսավանդ ողջունի՛վ՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ  
ԱՄԵՆԱՅՆ ՀԱՅՈՑ

Ա. ԷԶՄԻԱՍԻՆ

Ամանորի և ս. Ծննդյան տոների սոթիվ Ամենայն Հայոց Վեհափառ Հայրապետի անունով ստացվեցին ամենաջերմ և հարգալից զգացմունքներով զեղուն բազմաթիվ շնորհավորական հեռագրեր և նամակներ մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:

